

QVÆSTIO MEDICA.
CARDINALITIIS ACITANDA DISPUTATIONIBVS IN SCHOLIS
MEDICORVM, DIE IOVIS XI. MARTII, MAGISTRO IOANNE BEAVCHESNE
DOCTORE MEDICO MODERATORE.

An gravidis vena sectio & purgatio?

612

HOMINI mortali Deo & rerum epimetro, amica & inimica omnia, cui vitæ & sanitatis, mortis & morbi ^{aut facio} ~~est~~ ^{causa} eadem principia, eadem causæ sunt: illi Deus per Angelos, Dæmon per magos, Cælum per influxus, Elementa & Mistra per qualitates morbos inuehunt, vel plethoræ, vel cacochymie, vel vtriusque interuentu. Ab iis morbi omnes intus geniti, multiplicis generis sunt. A morbis mors præternaturam, nisi natura succurrat aut eius vicem gerens Medicina artium saluberrima & nobilissima. Communis plethoræ & cacochymie remedium vacuatio spontè vel arte procurata, Ars naturæ simia & aliquando victrix plethoræ phlebotomia, cacochymie catharsis, vtroque generoso remedio plethoræ cacochymicè medetur. A venæ sectione semper auspicando, vbi par vtriusque necessitas, sola viriû habitacione, ætatis nulla penè, sexus, tempestatis, syderum, habitus, temperamenti, grauiditatis.

PHLEBOTOMIA omnes humores ex vniuerso corpore derahit citra delectum. Catharsis vitiosos cum delectu, hæc illa omni tempore & morbo tutior, iucundior & celerior, in plethora cacochymica prior & præstantior, non ad curationem dumtaxat, sed & ad præcautionem. Celebratur ex arteriis multis & venis omnibus, prout pars affecta & affectus exigunt, quos vel sola plethora aut cacochymia vel plethora cacochymica commiserunt quales sunt phrenitis, angina &c. diarrhoea, dysenteria, cholera morbus & febres omnes etiam à nimia venere profectæ, hydrops, lethargus. Catharsis admoto aut assumpto iedimento eluendæ cacochymie, biliosæ, atrabilie, pituitosæ, serosæ, putæ cachexie, tergemino hydropi, ventriculi cruditati, lienis scirrhus, vtroque ictero, utilis.

AT QVI mulier vtero gerens humorum plenitudine & vicioregens omnibus præternaturam affectibus plerumque toto grauiditatis tempore cruciatur: menstruo enim sanguine diutius stagnante nec in fœtupabulum assumpto vteri vasa excrementitio succo offerecitur eum & in alia vasa regeritur & per quandam ^{rationem} in musculos rariore quàm in viris carne consistens, non sine incredibili spontaneæ lassitudinis dolore, vasorum tumoræ æquabili, grauiori respiratione, segnitie corporis & imbecillitate, æstuant verius in ^{visceribus} ~~in~~ ^{visceribus} vterus in consortiû trahit calamitatis partes corporis, quibus cum illi coniuncta sunt commercia, hinc ineluctabilis ^{exacerbatio} ~~exacerbatio~~ ^{exacerbatio} cæteraque corporis symptomata concitantur, oculorum caligines, angina (cui nides hirundinum ludus est) peripneumonia, pleuritis è directo venæ sectione postulans, palpitatio cordis, syncope, vomitus, lienis hepatisque inflammatio atque obstructio, suffocationes, renum lumborumque grauitates, synochus vtraque, hæmorrhagiæ è naribus & ano cæteraque symptomata plenitudinis argumenta.

ET V S interim puriore sanguinis portione allecta, detergiorem relinquit & fœculentior, vnde morborum ilias in fœtam deriuatur, vitiosa quippe materia cunctando calorem natium suffocat, spiritus spissat & obtundit, totam viciniam labefactat, viscera obstruit, praua qualitate corpus inficit vniuersum, ab eodem fonte putredo manat tertianarum, quotidianarum, quartanarum (quæ nullis profigitur amuletis) parens, tensio insuper hypochondriorum, color totius corporis plumbeus & cum virore pallidus, anorexia, cardiogmos, pica, oxyrogmia fallax frigiditatis nota, frequentes ructus, musculorum subfultatio, vagi artuum dolores, tumores pedum edematosi, erysipelata, scirrhi, carcinomata, varices, non prorsus secandæ sed aperienda, atrophia, cachexia.

IS monstis matri & fœtui perniciè minantibus vis occurrere: plethoræ phlebotomia, cacochymiam catharsis eliminare ne reformides, nisi causam tollas, nihil proficies; quamdiu sanguinis copia, febrilis ardor, sympathica viscerum inflammatio, incendium vteri manebit, tandiu morbus. Venæ sectio singularis antidotus & manus Dei est, etiamne primis, medijs & vltimis mensibus, etiamne instante partu? quidni, si vires sustinet. Hæc quo vis apozemate potentius refrigerat, putredinem quo vis bezaardico lapide certius emendat, fœtûmque in vtero (quidquid murmuretur) retinet, la spide ad collum appenso validius, aut ætate ad brachium alligato: catharsis aliud remedium est quo vis etiâ grauiditatis tempore opportunû, modo coctio materiæ & præparatio, (qua tenues humores non egent) prægressa fuerit: quin etiam locum habebit acutorum initio, si materia turgat & vrgeat, bonum quacumque hora, quacumque anni die, quocumque syderum aspectu purgatione sentinam corporis eluere, humores defœcare, spiritus exhilarare, viscera refrigerare, vterum repurgare, fœtus alimoniam depurare, bonam denique valetudinem fœtui & fœtæ restituere.

Ergo gravidis vena sectio & purgatio.

59



Proponebat Lutetiæ IOANNES DVCLE DAT, Burdegalensis Anno M. DC. XXI.